

Bafazi miBhalo - Wives Scriptures

Efesu 5:22-24 Abafazi mabathobele amadoda abo kungathi kukuyo iNkosi, 23 ngokuba indoda iyinhloko yomfazi, njengokuba noKristu uyinhloko yebandla, yena engumsindisi womzimba. 24 Kepha njengokuba ibandla lithobela uKristu, kanjalo nabafazi mabathobele amadoda ezintweni zonke.

Efesu 5:31 Ngenxa yalokho umuntu uyakushiya uyise nonina, anamathele kumkakhe; labo ababili bayakuba nyamanye.

Efesu 5:33 Nani-ke, yilowo nalowo makathande umkakhe njengokuba ezithanda yena, kepha umfazi makahloniphe indoda yakhe.

1 Korinte 7:3 Indoda ayinike umfazi okumfaneleyo; nomfazi enze njalo endodeni.

1 Korinte 7:34 wahlukene phakathi. Nongaganile oyintombi ukhathalela okweNkosi, ukuze abe ngcwele emzimbeni nasemoyeni; kepha oganileyo ukhathalela okwezwe ukuba angayithokozisa kanjani indoda yakhe.

Kolose 3:18 Bafazi, thobelani amadoda enu njengokufanele eNkosini.

1 Thimothewu 2:11-15 Owesifazane makafunde ukuthula nokuthobeka konke. 12 Kepha angimvumeli owesifazane ukuba afundise, nokuba abuse phezu kwendoda; kodwa makazithulele. 13 Ngokuba u-Adamu wabunjwa kuqala, emva kwalokho u-Eva. 14 Futhi u-Adamu kakholiswanga, kepha owesifazane wathi ekhohlisiwe, waphambuka; 15 kepha uyakusindiswa ngokuzala abantwana, uma behlala ekukholweni nasothandweni nasebungcweleni kanye nokuqonda.

Genesise 3:16 Wathi kowesifazane: "Ngizakukubangela ubuhlungu obukhulu ekukhulelwani kwakho; uyakubeletha abantwana ngobuhlungu. Ukunxaneli kwakho kuyakuba sendodeni yakho; yona iyakukubusa."

1 Petru 3:1,2 Kanjalo, bafazi, thobelani amadoda enu, ukuze kuthi, uma ekhona ongakholwa yizwi, azuzwe ngaphandle kwezwi ngenkambo yabafazi bawo,

2 ebona inkambo yenu emhlophe esekwesaben.

KuThithu 2:1-5 Kepha wena khuluma lokhu okufanele isifundiso esiphilileyo 2 sokuthi: Amadoda amadala mawabe ngazithibayo, azothileyo, aqondileyo, aphilile ekukholweni, nasothandweni, nasekubekezeleni; 3 kanjalo nabesifazane abadala baziphathe ngokufanele abangcweli, bangabi ngabahlebi, bangabi yizigqila zewayini eliningi, babe ngabafundisi bokuhle, 4 ukuze bafundise abesifazane abasha ukuthanda amadoda abo, bathande nabantwana babo; 5 babe ngabaqondileyo,

abamhlophe, abaphatha kahle amakhaya, abamnene, abathobela amadoda abo ukuba izwi likaNkulunkulu lingahlanjalazwa.

IzAga 12:4 Owesifazane okhutheleyo unguqhele kuyo indoda yakhe, kepha ohlazisayo unjengokubola kwamathambo ayo.

IzAga 14:1 Owesifazane ohlakaniphileyo uyakha indlu yakhe, kepha oyisiwula uyayidiliza ngezandla zakhe.

IzAga 19:13 Indodana eyisiwula iyinhlupheko kayise, nokuxabana komfazi kungukuconsa njalonjalo.

IzAga 21:9,19 Kungcono ukuhlala egumbini lophahla kunokuhlala nowesifazane oxabanayo endlini ehlanganyelweyo. 19 Kungcono ukuhlala ezweni lasehlane kunokuhlala nowesifazane oxabanayo nothethayo.

IzAga 25:24 Kungcono ukuhlala egumbini lophahla kunokuhlala nowesifazane oxabanayo endlini ehlanganyelweyo.

IzAga 27:15,16 Ukuconsa okunganqamukiyo ngosuku Iwemvula nowesifazane oxabanayo kuyafana. 16 Omvimbela yena uvimbela umoya; isandla sakhe sokunene sihlangana namafutha nje.

IzAga 31:10-31 Amazwi kaLemuweli, inkosi yaseMasa, awafundiswa ngunina. 2 “Yini, ndodana yami, yini, ndodana yesizalo sami, yini, ndodana yezithembiso zami, na? 3 Uganiki abesifazane amandla akho, nezindlela zakho kwababhubhisa amakhosi. 4 “Akusikho okwamakhosi, Lemuweli, akusikho okwamakhosi ukuphuza iwayini, nokwababusi ukufisa uphu zo olunamandla, 5 funa baphuze, bakholwe izimiso, baguqule ukwahlulelw kaabantwana bokuhlupheka. 6 Mnike obhubhayo uphu zo olunamandla nomunyu enhliziyweni iwayini. 7 Makaphuze akholwe ubumpofu bakhe, angabe esakhumbula usizi Iwakhe. 8 “Sivulele isimungulu umlomo wakho, umele bonke abantwana abayizintandane. 9 Vula umlomo wakho, wahlulele ngokulunga, umele abahluphekayo nabampofu.” 10 Ngubani ongathola umfazi okhutheleyo na? Ngokuba inani lakhe lidlula kakhulu amarubi. 11 Inhliziy yendoda yakhe iyethemba kuye; ayiyikuswela inzuzo. 12 Uyayenzela okuhle, kungabi ngokubi, zonke izinsuku zokuphila kwakhe. 13 Ufuna uboya bezimvu nefilakisi; usebenza ngezandla ezivumayo. 14 Unjengemikhumbi yabathengi; ulanda kude ukudla kwakhe. 15 Uyavuka kuse sebusuku, aphe abendlu yakhe ukudla namantombazana akhe imisebenzi yawo. 16 Ucabanga ngensimu, ayithenge; ngesithelo sezandla zakhe utshala isivini, 17 Uyabhinca okhalweni amandla; uyaqinisa izingalo zakhe. 18 Uyabona ukuthi ukuphatha kwakhe kunenzuzo; isibani sakhe asicimeki nasebusuku. 19 Uyabeka izandla zakhe othini lokuphatha izintambo, neminwe yakhe ibamba insimbi. 20 Ohluphekayo uyamvulela isandla

sakhe, yebo, uzelulela abampofu izandla zakhe. 21 Akesatshiswa ngabendlu yakhe ngungqoqwane; ngokuba bonke abendlu yakhe bembathiswa okubomvu. 22 Uyazenzela izindwangu ezimbozayo; izambatho zakhe ziyilineni elicolekileyo nokububende. 23 Indoda yakhe iyaziwa emasangweni, lapho ihlezi namalunga ezwe. 24 Wenza izingubo zelineni, athengise ngazo, anikele kubathengi amabhande. 25 Amandla nesithunzi kungukwembatha kwakhe; uhleka usuku oluzayo. 26 Uyawuvula umlomo wakhe ngokuhlakanipha, nomthetho womusa usolimini lwakhe. 27 Uyaqaphela okwenziwayo endlini yakhe, akadli isinkwa sobuvila. 28 Abantwana bakhe bayasukuma, bambusise; nendoda yakhe iyamduisa ngokuthi: 29 "Baningi abafazi abakhutheleyo, kepha wena ubadlula bonke." 30 Ubuhle buyinkohliso, nokubukeka kuyize, kepha owesifazane owesaba uJehova uyakudunyiswa. 31 Muphe ezithelweni zezandla zakhe, izenzo zakhe zimdumise emasangweni.

**Pastor T. John Franklin
Church of Salvation, Healing, and Deliverance
COS-HAD.org**